

## **ZAPISNIK SA 02. SJEDNICE UO SAMOSTALNOG SINDIKATA RADNIKA U BHRT-u, U MANDATU 2023-2027, KOJA JE ODRŽANA U ČETVRTAK, 01.06.2023. GODINE**

**Prisutni:** Merima Kurtović-Pašalić; Elvis Čengi; Džemal Kahrlica; Edis Fočo; Mubera Herac; Samir Gadžo; Sanija Saljihi; Anel Nurković; Mustafa Baručija; Sadin Kavazović; Dragan Miljević; Minja Erić; Sanin Vila; Minka Džihanić

**Odsutni:** Ekrem Agić; Omer Bukić; Alen Pavić

Dnevni red:

- 1.Zapisnik sa 39.sjednice UO SSRu BHRT u mandate 2019-2023.
- 2.Aktualna situacija u BHRT-u
  - Prijedlog Menadžmenta - Pravilnik o izmjeni Pravilnika o sistematizaciji
  - Odgovor SSRuBHRT-u
- 3.Finansije
  - Odluka o naknadama
  - Blagajnički
  - BSO Adriatic
- 4.Dodjela pomoći
- 5.Razno

**AD 1.** M.Kurtović-Pašalić je na osnovu člana 35. Statuta Samostalnog sindikata radnika u BHRT-u, otvorila 02. sjednicu UO SSR u BHRT-u u mandate 2023-2027 i predložila dnevni red koji je jednoglasno usvojen, kao i zapisnik sa 39. Sjednice iz mandata 2019-2023.

M.Kurtović-Pašalić je pozvala sve članove upravnog odbora na redovne dolaske na sjednice, kao i na odgovornost za rad u Sindikatu u skladu sa Poslovníkom. Kako je istakla očekuje od svakog člana da aktivno učestvuje u radu UO kako bi svi doprinijeli boljem radu i ostvarivanju ciljeva Sindikata.

U svom uvodnom obraćanju predsjednica je naglasila da se samo zajednički može nešto napraviti a kao pojedinci teško.

**AD 2.** Rukovodstvo sindikata je održalo sastanak sa menadžmentom 11.5.2023.godine na kojem je predložen zahtjev sindikata za povećanje toplog obroka.Zahtjev je odbijen zbog nedostatka i umanjenja od sredstava naplate RTV takse. Tražena je informacija o uplaćivanju doprinosa, na što je menadžment odgovorio da pokušavaju sustići dugovanja ali i tu je problem nedostatak sredstava jer imaju dugovanja za struju, plin i ostalo.

Sindikat je ponovno predložio problem nedostatka kadrova, jer u pojedinim sektorima može doći i do ugrožavanja programa.

Sindikat je tražio sastanak predstavnika Sektora sigurnosti sa generalnim direktorom. Direktor je to odbio i uputio nas na rukovodioca Odjela sigurnosti. Razgovarano je i o problemu sigurnosti i traženo je da se uposlenicima na osiguranju obezbjeđe adekvatna odijela. Nakon kraće rasprave menadžment je istakao da su ranije odijela već nudili prethodnom rukovodiocu Avdi Ćustoviću ali ih je on odbio. Menadžment je obavjestio sindikat da je počela unutrašnja kontrola-analiza ljudskih resursa, što je zahtjev Evropske delegacije u našoj zemlji. Tražili smo da se i Sindikat uključi u razgovor sa ekspertom koji provodi unutrašnju kontrolu a koji je dobio prostor u našoj kući.

S.Kavazović je postavio pitanje može li se provjeriti izmjena zakona o službenom putu i obračunu toplog obroka za vrijeme službenog puta a čije su izmjene objavljene u službenom listu. A.Nurković je postavio pitanje može li se izvršiti popuna nedostatka ljudi u sektorima gdje je evidentan nedostatak sa uposlenicima iz drugih sektora BHRT-a.

Menadžment BHRT-a je uputio sindikatu izmjene dijela sistematizacije za opis pojedinih radnih mjesta u skladu sa zakonom. Rukovodstvo sindikata je priprenilo odgovor menadžmentu u kojem se odbacuje prijedlog djelimičnih izmjena sistematizacije.

Između ostalog u odgovoru menadžmentu se naglašava da se sindikat ne slaže sa ovakvim parcijalnim izmjenama pravilnika o sistematizaciji, pogotovo jer se sve posljednje izmjene ovog pravilnika za koje se misljuje konsultovao sindikat usvojene bez obzira na suprotan stav sindikata. Napominjemo da su sve navedene izmjene odnosile na povećanje ionako visokih KSP (za BHRT), te uvođenje novih radnih mjesta sa koeficijentima 9,90 (sto je 8 puta više od najmanjeg koeficijenta u BHRT-u).

Nakon kraće rasprave, UO sindikata je jednoglasno usvojio prijedlog odgovora sindikata na prijedlog izmjena sistematizacije radnih mjesta koje je uputio menadžment BHRT-a.

**AD 3.** UO sindikata je jednoglasno usvojio Odluku o naknadama za rad u sindikatu.

Izveštaj M.Herac o poslovanju sa Adriatic osiguranjem za april 2023.godine je primljen k znanju.

Sindikat je ponovno sklopio ugovor sa Adriatic osiguranjem sa istim uslovima kao i prethodnih godina.

Blagajnički izveštaj za mjesec april 2023.godine je primljen k znanju.

**AD 4.** Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec maj 2023. godine dobiju slijedeći članovi: Selimbegović Meliha 400 KM.

Ukupno 400,00 KM. Poklon bonovi DM-a u iznosu od 200 KM za rođenje djeteta predlažu se za Ilhanu Džakmić. Prijedlog komisije je jednoglasno usvojen.

**AD 5.** M.Kurtović-Pažalić je naglasila kako je planirala u narednom periodu obići podružnice i pogone u kojima rade članovi sindikata i samim tim pozvati svo članstvo da se aktivnije uključi u rad sindikata i UO sa svojim prijedlozima i inicijativama. Takodjer napomenula je da rukovodstvo ima namjeru obići i sve institucije na svim nivoima i upoznati ih opet sa problemima u kojima se nalaze uposlenici BHRT-a.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednica  
SAMOSTALNOG SINDIKATA  
RADNIKA U BHRT-u  
Merima Kurtović-Pašalić